

Aen Sibsub Doxaeu YauzcuZ Denzdungh

□ bouxsij Veiz Swngfhaz bouxhoiz Maknamz



▲ Aen doih couxyah gvaq mbanj.

“Sai hung yaek aeuyah, sau hung yaek baehaq”, vunzlai gwnzbiengz cungj maij damz coenz vah gaeuqgeq neix. Youq Bwzswz Si Denzdungh Yen, gyoengqvunz YauzcuZ cienzciep gij sibsub doxaeu cienzdoengj de, moix aen yizsiz cungj hamz miz cingzngaih, raiz ok diuz fwen minzsug minzcuZ sengdoengh ndeu.

Eu Fwen Guh Yinx, Camcaen Dinghmingh

Haeuxgok henjrwgrwg, dong rim aen canghaeux. Cousou sat ndaejhoengq le, gyoengq bouxcoz YauzcuZ couh maij bae gak mbanj guhcaemz, aeu fwen guh moiz. Singfwen rwenzraeuh, lumj bouxyoux gangvav, sei gij cingz swheij, caemh dwg sim caeuq sim doxbungq. Song boux de guhyoux song sam bi, eu fwen, gangigoj, damzsim, roxyiuj bouxyoux dwg vunz gyawz. Deq sim' ei doxdoeng, bouxsai couh soengq aengoenh, aensoij, buhvaq daengj laex dinghcingz, mbanj lij soengq ngaenz dem. Danghnaeuz dahsau sou doxgaiq angqvauvau, bouxsai couh cienmonz ra ngoenzndei, cingj bohgox guh moiz, daiq doiq gaeq, nohmou, haeuxsan, ien, laeuj, dangzbingj caeuq baengz ndei daengj bae ranz dahsau camcaen. Ranz dahsau hix nda sam haj daiz byaeklaeuj ndei, banlaux song ranz cix gwn cix yaeng gij saeh songde. Song ranz yienznaeuz swnhleih dinghcaen lo, dahsau lij aeu youq ndaw ranz youq. Baez laeuj camcaen neix, banlaux song ranz mbat daih' it cingqsik raennaj, caemhcaiq gaujniemh gij binjgwz bouxsai.

Ciet Ndei Soengq Laex, Cingzngaih Raezrat

Dinghmingh le, song boux coZ couh dingq vah bouxlaux, youq ranz bang bohmeuh guhhong, mbouj caiq caezbienth okbae eu fwen. Bouxsai moix ndwen daengz ranz dahsau banghong mbat roxnaeuz song mbat, biujdaz swheij caensim siengj guh lwggwiz. Yiengh le bohmeuh dahsau caemh swngzgei yawjyawj daegmbauq neix guhhong guhsaeh guhvunz baenzlawz yiengh. Riengz seizcin daeuj daengz, cieng coit daengz co' ngx, bouxsai caemhcaiq soengq laex hawj ranz dahsau. Doxgaiq sam rap hung, naekdumdum, couhwdg gij sim' eiq bouxsai: Rap daih' it dwg 31 gaen nohmou rangh gamou rangh ndokmou caeuq 50 gaen laeujget, rap daihngaih 21 gaen nohmou (doengh duZ mou mbouj doengz), 50 gaen haeuxsan, 2 diuz ien, 5 gaen faenjsaeq, 5 gaen dangz caeuq 5 gaen laeuj; rap

daihsam hix dwg 30 gaen haeuxnaengj hoengz gaeng naengj cug (eiq naeuz gitleih), 2 duZ gaeqiem, reng h bauq 1000 aen ndeu, caiq fung 200 maenz ngaenz fungbau roengz rap, hawj bohmeuh dahsau gak boux 50 maenz ngaenz, bohgox 36 maenz ngaenz fungbau. Senj bouxcoz rap laex hix gyanggiu raixcaix, aeu boux 18, 19 bi mbouj dwg lwgyax caengz baenzgya haenx, gizyawz vunz gaen daeuj haenx hix aeu dwg beixnuengx in bouxsai, gizgiz cungj yienh' ok gij sibsub YauzcuZ gig gyanggiu.

Batcih Guh Cingq, Aenyienz Diendingh

Bi daihngaih cousou gvaq le, bohmeuh bouxsai dauq genj ngoenzndei, bwh ndei doiq swx ndeu, mbiengj ndeu cang haeuxgok henjrwg, mbiengj ndeu cang haeuxsan hausak, haeuxsan aeu bae cawj, swx haeuxgok cix faen song swx iq hawj dauq dawz ma, ndaw swx fung 7.2 maenz hawj bohgox dahsau, caiq daiq doiq gaeq dem. Hawj daegmbauq 15, 16 bi hung haenx rap doxgaiq bae ranz dahsau aeu batcih. Daengz ranz dahsau, gaj duZ gaeq ndeu caeq bouxsien, louz duZ gaeq ndeu hawj baih bouxsai dawz dauq. Bohmeuh dahsau linghvaih gaemh duZ gaeq he hawj baih bouxsai, eiqsei couhwdg song duZ gaeq neix “dawz batcih dahsau ma ranz”. Mwh gwnhaeux, banlaux song ranz gingqlaeuj mbouj dingz, laebdaeb yaeng gij saeh songde. Gwn ndaej maqhuz le, bohmeuh bouxsai couh dwennaueuz aeu batcih, bohgox dahsau hix dawz gij batcih vaihseng sij hwnj mbaw ceijhoengz bae, song fwngz ndenq ceijhoengz hawj baih bouxsai, deq de sou le 7.2 maenz ngaenz fungbau, aen yizsiz aeu batcih coh suenq guhbaenz.

Saeqsim Couzbi, Sim' angq Baenzgya

Baih bouxsai aeu ndaej gij batcih dahsau, couh genj ngoenzndei yaek banh hoengzsaeh. Ngoenzndei dingh le, daxboh bouxsai caensaen bae ranz dahsau bauqheij. Banlaux dahsau hix daezok guhlaeuj yaek bwh gijmaz huq, yungh geijlai ngaenz, aeu geijlai duZ mounoh daengj. Baih bouxsai doengzeiq le, doq ma ranz ciu vunzlai ndaw fuengz, doxyaeng baenzlawz guhlaeuj.

Couxyah Haqsau, Vuenyungz Gvaq Ngoenz

Mwh couxyah, gyanggiu laex. Guhlaeuj ngoenzgonq, ndaw ranz baih bouxsai nauhyied dangqmaz. Gyoengqde daj ndaw mbanj ndaw fuengz cingj canghdajcawj daeuj gaj mou gaj yiengz bwh guhlaeuj. Ngoenzlaeuj, aen doih couxyah (itbuen dwg dansoq bae, suengsoq ma) couh yaek okdou lo, ndawde miz bouxdauh, goengmoiz, yahmoiz, yahsoengq, lwgnyez caeuq cangh boq loxlez daengj. Gyoengqde gaemh duzmou cang loengz, aeu loz cang haeuxsan, aeu doengj coux laeujhaeux. Deq doxgaiq cang caez, song boux cangh boq loxlez couh angqangq yangzyangz boq loxlez daiqdaeuz bae ciep bawxmoq lo. Daengz ranz bawxmoq, song boux cangh boq loxlez haeuj dou gonq, gij vunz ram mou, dawzrap youq rog deq gwn “laeuj couxyah”. Caenh raen baih dahsau youq bakdou giz haeujok nda daiz, baihgwnz cuengq baenz vanj naed haeuxyangz (gwnzde cap sam diuz yieng), nyez gobug caeuq sam



▲ Coux bawxmoq daengz bakranz.

mbaw ceijcienz. Bohgox bouxsai, dahsau guhdaeuz guh yizsiz “laeuj couxyah”. Gwnz yizsiz, bohgox songde gangj gij vah mizndok, mwngz coenz gou coenz, caemhcaiq beij gwnlaeuj, deq baih bouxsai dingj mbouj ndaej lo, gyau “ngaenz haisuj” hawj bohgox dahsau, couh suenq gvaqgvau. Yiengh le sousib daizdaengq, gyoengqde cuengq bauq liux coh rap doxgaiq haeuj ranz.

Mwh okhaq, sim mbouj sij. Ngoenz guhlaeuj, ranz dahsau hek lailai, daihgya cungj daeuj gwnlaeuj, hoh dahsau okhaq. Itbuen mbouj daengz banringz, bawxmoq couh yaek riengz yahmoiz, yahsoengq okdou lo. Baih dahsau bohmeuh, ausimj, beixnuengx biuj doxcaez youq daihding, nda daiz gwnhaeux. Daihgya mwngz gangj gou riu, cuknyienh dahsau haq okbae le ndwenngoenz diemzvan, ngoenz ndei gvaq ngoenz. Gwn sat, gyoengq cejbiuj, dahnuengxbiuj bae bang dahsau dajcang, boux ndeu roigyauej, boux ndeu daenj buh, boux ndeu geuj gunz, boux ndeu daenj mad, boux ndeu hix daenj haiz, bouxboux caemhcaiq ndaej sou aen fungbau gitleih ndeu. Seizde, boh' au, beixnuengx hix buen gyaqvang ok rog dou bae. Mbanj bohmeuh daengj banlaux lij soengq vaiz, yiengz daengj buenxhaq. Cangh boq loxlez boq aen diuh “seiz okhaq daengz lo, bawxmoq aeu dajcang, daenj hwnj buh moq gyaue, duet roengz buh gaeuq daeuj”, dahsau couh yaek hwnj yieng cojgoeng, cap yieng youq lohnga caeuq lajroq, ngeix daengz vunzcaen swheij, siengj daengz neix dwg baez doeklaeng de guh vunz ndaw fuengz hwnj yieng hawj cojgoeng, baezlaeng couh bienqbaenz vunz ranzgvau lo, raemxda rihnanngan. Boudauh hawj seiq boux yahmoiz, yahsoengq (song bouxlaux, song dahsau) gak boux fat aen liengj ndeu, riengz dwk bohgox bawxmoq couh hawj vaihseng gangliengj. Gyoengqde homxhob bawxmoq bae ranz lwggwiz moq. Gij baengzyoux bawxmoq caemh bang rap doxgaiq bae soengq.

Mwh gwnlaeuj, hoh vuenyungz. Daengz bakdou ranz lwggwiz moq, yiet yaep ndeu, bawxmoq couh riengz lauxyah haeuj ranz, aen doih couxyah hix ram gyaqvang riengz dwk haeuj dou. Haeuj daiz, song boux moq gingqlaeuj caencik, cug boux gaisau. Gyoengqvunz couxyah caemh naengh haeuj daiz, daihgya doxcomz giz ndeu, yaengx cenj hoh doiq bouxmoq neix baenzgya, angqangq riuriu, ciengz yizsiz YauzcuZ doxaeu cienzdoengj neix couh guh sat lo.

(bouxsih hawj doz)



▲ Ndawdoih miz nyezgi m nyezngaenz dawzrap.